



## Ntu Kev Kawm Paub Pom Tshiab ntawm Tub Ntxhais Hluas

### Nws ho muaj dab tsi tiag?

Tam sim no peb muaj kev tshawb fawb meej txog neeg hluas lub hlwb kev loj hlob uas pab kom peb to taub zoo dua qub txog tub ntxhais hluas kev loj kev paub tab. Peb tau kawm paub tias neeg hluas lub cev kev loj hlob tiav tas rau yav hnuv nyooog kaum tawm xyoo. Tiam sis tseem muaj tej yam hloov mus ntxiv nyob rau lawv lub hlwb uas yuav hloov kho lawv tus peev xwm los ntsuam xav, daws teeb meem, thiab to taub qhov phem qhov zoo los ntawm lawv tus cwj pwm kev coj, mus txog rau thaum yuav tas kev tub ntxhais hluas thiab yuav tig ua neeg laus. Yuav muaj ntau yam kev sib txuas sib ncau tshiab tseem ceeb tom qab hnuv nyooog kaum xyoo mus txog rau thaum nees nkaum xyoo uas yuav hloov tau tas lawv tej kev nyiam coj nyiam ua nrog luag lwm tus, kev siab ntsws, thiab kev peev xwm txawj ntse.

Thaum uas muaj tag nrho tej kev hloov no nyob rau lwb cov hlwb, cov neeg hluas yuav tsum muaj tej yam rau lawv ua los yog paub pom kom lawv loj hlob mus rau qhov zoo. Peb muaj lub sijhawm los taw kev taug rau tub ntxhais hluas kom mus ua tau neeg laus uas tsim txiaj, zoo lub neej – thiab peb paub yuav ua qhov no li cas.

### ZEJ ZOS KEV KAWM TXHAWB KOM LUB HLWB LOJ HLOB MUS RAU QHOV ZOO

Cov kev qhia pom qhia ua uas zoo tshaj plaws los tsim kom lub hlwb muaj tej sib txuas tshiab no yog *los ntawm zej zos*, ntawm uas tub ntxhais hluas muaj kev cuam tshuam nrog lwm hom neeg thiab pib kawm paub pom nyab xeeb lug txog lub ntuj teb.

Cov qhoos kas pab los ntawm zej zos ua kom cov neeg hluas muaj sijhawm paub pom txog kev daws teeb meem thiab kev txiav txim nyob rau tej chaw nyab xeeb uas muaj neeg laus muaj siab thiab paub zoo txog kev pab ua cov coj.

Cov no yog kiag tej uas ib lub hlwb hluas tseem loj hlob yuav tsum ntsib pom thiaj li yuav txawj xav kom yog thiab ua tau nws ib tug kheej kaj huv nrog luag.

Nyob rau ib xyoos twg, txhua leej tub ntxhais hluas nyob Minnesota muaj tham tsam li 2,000 teev rau nws tus kheej, thaum tsis kawm ntawv, uas tsis muaj kev npaj ua dab tsi tseeb los yog tsis muaj kev saib xyuas – yuav luag npaum ib txoj haujlwm txwm sijhawm. Pev yuav tau pab kom lawv siv qhov sijhawm no mus rau qhov zoo.

### TEJ KEV QHIA RAU QHOV ZOO KAV IB SIM NEEJ

Zaum tas zaum thiab, kev koom rau cov qhoos kas pab tom qab tsev kawm ntawv thiab los ntawm zej zos nyob rau cov teev tsis kawm ntawv muaj feem ua kom mus kawm ntawv tsis tu ncau, qhab nias, qhab nias xeem, kev paub haujlwm kev kawm, thiab kev txawj coj nrog luag lwm tus zoo dua qub.

Peb sawv daws tau pom ntawm qhov muag kiag tej yam uas cov qhoos kas pab tub ntxhais hluas kev loj hlob muaj peev xwm pab tau. Txawm yog ib pab neeg hluas hu nkauj nyob rau zej zos ib pawg neeg hu nkauj los yog ho pab cog ub no nyob rau zej zos tej vaj los yog pab tej menyuum yau dua kawm ntawv – cov qhoos kas no ua rau neeg hluas tus kheej pom nws tus txiaj ntsim thiab qhia tau tias tub ntxhais hluas muaj peev xwm ua tau tej yam zoo.

Qhov peb tsis pom tias muaj mas yog seb tej yam rau ua rau pom no ho txhim kho lub hlwb tej kev ncau tshiab li cas. Tej zaum thaum kawg, tej kev xav tawm ib yam li “Kuv muaj peev xwm ua ub no nrog lwm tus” “Kuv muaj peev xwm daws qhov teeb meem no” cia li yog qhov uas nws tus kheej xub xav tawm los nyob rau txhua yam kev tshwm sim. Cov tub ntxhais hluas uas koom rau tej qhoos kas no loj hlob los ua neeg laus siab tus, paub qab hau uas txawj pub txawj muab rov qab, kom siab koom tes, thiab hawm luag lwm tus.

Txuj ci kev txawj tau pab kom peb to taub zoo dua qub txog hlwb hluas kev loj hlob, thiab ua rau peb paub txiaj ntsig zoo dua qub seb tej qhoos kas pab tub ntxhais hluas pab tau rau txoj kev loj hlob ntawd li cas.

Xyuas raws li tej peb paub txog tej yam muaj rau paub rau pom uas tub ntxhais hluas yuav tsum tau mus dhau es yuav pab lub hlwb hluas kev loj hlob mus rau qhov zoo, peb yuav tau los muaj tej yam rau ua li hais no rau txhua leej tub ntxhais hluas nyob Minnesota.

**Los txhawb tub ntxhais hluas uas yog muab tej kev kawm kom paub kom pom mus rau qhov zoo rau lawv.**